

中國史學叢書

何炳松主編

孫第侯著

戴剡源年譜

商務印書館發行

中國史學叢書

何炳松主編

戴

剡

源

年

譜

孫弗侯著

商務印書館發行

中華民國二十五年一月初版

平

(94932)

中國史學叢書
戴剡源年譜一冊

每冊定價國幣陸角

外埠酌加運費匯費

版權
所有
必究

編著者 孫 弗 侯

主編者 何 炳 松

發行人 王 雲 五

印刷所 上海河南路
商務印書館

發行所 上海及各埠
商務印書館

(本書校對者謝雨東)

●〇六一六二

敘

剡源先生年譜者，余友孫蒨侯表章其鄉先生戴表元而作者也。

先生生直南渡之季，桑海之際，人事亦難言矣；而詩文之學，尤爲凋敝。先生友周公謹，年譜四嘗有言曰：『道學之黨，起於元祐，盛於淳熙。其徒甚盛，蟠結其間。假此以惑世者，真可以噓枯吹生。凡治財賦者，則目爲聚斂開圖。捍邊者，則目爲寵材。讀書作文者，則目爲玩物喪志。留心吏事者，則目爲俗吏。』志雅堂雜鈔卷下玩物喪志之說興，斯文不將掃地以盡乎？

至於詩，又何獨不然。宋詩之爲詩也，雖方正學言：『前宋文章配兩周，盛時詩律亦無儔。今人未識崑崙派，却笑黃河是濁流。』遜志齋集二四談詩然夷攷當時，朱子已云：『今人不去講義理，只去學詩文，已落第二義。况又不去學好底，却去學做那不好底。作詩不學六朝，不學李杜，只學那崎嶇的。今使學得十分好，復把作什麼用？近時人學山谷詩，然又不學山谷好底，却又只學山谷不好處。』朱子語類卷一四〇陳師道亦謂：『於默齋敘張魯齋詩云：近來學江西詩，不善其學，音節聱牙，意象迫切。且論議太多，失古

詩吟咏性情之本意。

後山詩話後集卷一

由此觀之，詩之敝蓋亦無疑然。

然則宋季之詩文，謂之兩敝，可也。

先生丁此兩敝之日，頗欲推之輓之，而力反之於古。既云：「文不在茲，何以垂後？」

袁桷撰墓志銘

復云：

「日夜以此自媿。」

年譜六十一歲

壯志邁修，其言已可風已。奉化縣志謂：「表元閔宋季詞章，萎蕤散敝，其

弊已甚，慨然以興起斯文爲己任。」蓋以其時攷之，非虛語也。然亦先生之才，足以副此爾。浙江通志稱：「至元大德間，東南以文章大家，名重一時者，表元一人而已。」嗟乎，有才者未必逢時；逢時者未必有才；斯志士所興嘆，通人所以永喟。至若因時而挺才，用才而拯時，使文章一脈，流存於山陬海曲之間，是則讀先生詩文集者，所當慨然感興者歟？

且元文盛推清容，清容則先生弟子也。明文推宋濂，濂之生也，實與先生之沒同時。他日者，濂亦

因其師金華黃潛之說，而卷卷服膺於先生矣。昔歐公得韓文於敗簞，

宋史三一歐傳

而卒爲一代之宗匠。

牧齋章震川於身後，

有學集卷十六新刻震川先生文集序

而預啓方姚之先路。夫以先生之文，與昌黎比長挈短，誠未

易言。然擬諸震川，正未知鹿死誰手。至於縣一壺於中流，開時代之風氣，則昌黎也，震川也，先生也，固

未嘗無一二之相似焉。

雖然，以詞華論先生者，要不足以見先生之大。先生生於家國多故之際，念申屠蟠因樹爲屋之行，年譜六十三歲仿胡安定學以治事之旨。年譜五十二歲安貧樂道，篤學躬行，處處以實踐爲依歸。昌黎詩寄籌陽，情懷二妾，詳著溪漁隱叢話前集十六以視先生，昌黎或當有慙色乎？

世頗憾先生以貞蒙之身，仕元而爲教職。然文山有黃冠顧問之傳，梨洲著明夷待訪之意。大夏將傾，非一木所能支。先生未有官守，後人又何所資而苛求之也？先生非孔光之庸操，慕睢陽之死守。年譜五十七歲而遺民如臯羽公謹一流，與先生不廢酬應；然則先生之志，要亦可以大明。余讀先生婦怨諸詩，年譜三十三歲以秦婦喪亂之吟，寫麥秀黍離之感。胡馬南來，長江難畫。諷先生之文，而念先生之行，要亦可深資感喟於今茲者矣。

莠侯帥創此譜，頗有歲月。雪鈔露纂，營構甚苦。良由生於先生漁釣之鄉，懷式閭表木之情，故不辭艱鉅而爲之乎？然先生固自有其不朽，而非莠侯之私阿其所好也。書旣成，予以有先讀之快，云：以平日所感於先生者，書諸其後而歸之。民國二十四年七月，同學弟餘姚陳登原再拜謹序。

戴剡源年譜

先生姓戴氏，名表元，字帥初，一字曾伯，晚年自號剡源先生，或稱質野翁，充安老人。剡源戴先生文集

先生自序：慶元奉化州袁梅清容居士集戴先生墓志：剡源榆林人。（自序）按：慶元奉化州剡源縣剡源鄉榆林即今浙江省奉化縣剡源鄉。

材木

自序曰：『其世譜可知者，六代祖居奉化縣小方門，三傳而徙坊郭。商務印書館四部叢刊本坊鄞今依奉化孫玉叟刻本

改正 又再傳而徙剡源之榆林。』

小方門戴氏居葬記曰：『小方門在奉化治南二里許寶化山之陰，戴氏之祖居之。戴氏古大族，

從漢晉來，比比以學行顯重關河間，而居江南者，莫著於剡。剡與奉化相犬牙，譜系宜近，然昭穆

不可得而詳矣。小方門戴氏，始於八代祖曰九府君，妣曰趙氏夫人。七代祖曰十三府君。六代祖

曰十五府君，妣曰徐氏六夫人。……十五府君始定居小方門。遂生三子，長諱杲。商務本作杲，今依孫玉叟刻本

改正……次諱昇……又次諱暹，曰二十六府君，仍居小方門……爲小方門五代祖，妣曰劉氏夫

人……生四子，長諱字曰六四府君，妣曰陳氏夫人……府君性寬良長者，嘗以衙前役服勞縣庭一年，故平決鬪訟與譬釋勸諭而解者，無慮累百家。役滿日，縣大夫遣子弟擁藍輿簪花帽，以華其歸……是爲表元高祖。六四府君生六子，長九一府君諱顏。次九三府君。又次九四府君。又次九五府君諱辛，貧而極孝讓……於表元爲曾祖……妣曰六一夫人。』

先生墓志銘云
曾祖妣劉氏

文集卷五
據袁枚戴

祖名汝明，字叔晦。祖母鄭氏，名如玉。

小方門戴氏居葬記云：『九五府君生三子，長萬一府君。次萬二府君。又次萬三府君。』

君諱汝明，商務本作萬三二字叔晦，是於表元爲祖，始去小方門別居坊郭絲綿行，妣曰鄭氏千十夫人，

諱如玉……先祖府君獨朴魯有至性，兄弟間以房院擁隘，羣議出壻於鄭夫人。夫人善夫先生

諱一枝妹也。善夫先生以詞賦教授里中，有重名，鄉舉十四人，時預其高選。鄭夫人督警又嚴，甥

孫緣外家故，始皆改用詞賦業。』

文集卷五

戴氏剡源張村葬記云：『表元幼愚，逮事先祖考妣。祖考府君寬慈朴謹君子也，於雲臺府君爲

同祖兄弟。祖妣鄭夫人，聰明精書計，於鄉貢進士諱一枝字善甫爲同父妹。雲臺府君以毛氏詩起家，官四方，晚始貴於朝，祖考府君不及卒業。」文集卷五

父名灝，字商叟。母王氏。

本生父名濬，字默叟，自號拙逸居士。本生母袁氏。

小方門戴氏居葬記云：『先祖府君生五子，長再十六府君諱濬，字默叟，性貌酷類先祖。舊法中朝官三歲得牒上其族子弟名之在總功親者，試國子監，試中補國子生。府君以伯父武諭牒至杭試，一不中，卽罷業。晚歲自號拙逸居士……妣曰袁氏三八夫人。次再十八府君諱灝，字商叟……而表元由居士第三子爲仲父後。兵燬無所歸，己卯竟歸剡源張村東二里榆林。』文集卷五

戴氏剡源張村葬記云：『先考府君學於外家，以外家之學學賦，學成復以教表元……祖考府君有子五人，先考府君在仲，最愛。』文集卷五

伯妣袁氏夫人遷葬志銘云：『伯妣袁氏三八夫人……歸我伯考拙逸居士府君時，家方貧，政出祖妣鄭夫人，持綜嚴急。居士府君性豁達，好飲酒。寸絲勺米，心籌手量，然後經用，猶時時闕絕。

又多生育，初得女曰鳳娘，嫁同里連山王之禮。長男表正，次沂，次慶孫，次表元。沂以後結埒謝氏姑，而表元以後仲父。伯妣夫人慈甚，見人窮窶，忘己之乏，必予之乃已。常被遣出治南山下龍潭村別業，村中媼嫗聞夫人來，懽忻服役，至有所須，不言而如約，用此生理少振。……表元……自建康歸，累徙，遂定居剡源榆林。」文集卷十六

宋理宗淳祐四年甲辰（西歷一二四四）先生生

是年先生祖父（汝明）年六十九歲，祖母（鄭氏）年五十五歲。父（灝）年二十五歲，母（王氏）年待改本生父（灤）年三十六歲，本生母（袁氏）年三十九歲。先生之師王應麟（伯厚）年二十二歲，舒岳祥（景薛）年二十六歲。友人周密（公謹）年十三歲，劉莊孫（正仲）年十一歲，方鳳（韶卿）年三歲。

宋淳祐八年戊申（西歷一二四八）五歲

知讀書（自序）

李時可詩序云：『余自五歲受詩家庭。』文集卷八

昌國應君類書豪求序云：『余五六歲時，親黨間有中童子科者，心慕之。』文集卷七

是年友人白珽（廷玉）生

宋淳祐九年己酉（西歷一二四九）六歲

知爲詩（自序）

劉仲寬詩序云：『余少時喜學詩，每見山林江湖中有能者，則以問之，其法人人不同，有一老生云：子欲學詩乎，則先學游，游成，詩自異。於時方在父兄旁，游何可得，但時時取陸放翁入蜀記，范至能吳船錄之類，張諸坐間，想像上下，計其往來，何止日行數千萬里之爲快……』文集卷九

是年友人謝翺（皋羽）生

宋淳祐十年庚戌（西歷一二五〇）七歲

自序云：『七歲知習古文，』袁桷戴先生墓志銘云：『七歲學古詩文，多奇語。』元史本傳同

宋理宗寶祐元年癸丑（西歷一二五三）十歲

友人任士林（叔實）生

宋寶祐二年甲寅（西歷一二五四）十一歲

十一月祖父（汝明）卒，年七十九歲。據文集卷五小方門戴氏居葬記

友人趙孟頫（子昂）生

宋寶祐三年乙卯（西歷一二五五）十二歲

九月本生母（袁氏）卒，年五十歲

伯妣袁氏夫人遷葬志銘云：『……伯妣夫人……卒於家，乙卯歲九月七日也……年五十。時

新遭祖考府君憂，坊郭廬舍不能數堵，大喪在堂，小喪在戶，仲父負重衰力貧以其歲權殯夫人

張山下陳園旁，以待他日得地而遷焉。』文集卷十六

按伯妣卽先生本生母，以出繼仲父爲後，故稱伯妣。

是年王應麟爲揚州州學教授。

宋寶祐四年丙辰（西歷一二五六）十三歲

是年王應麟試博學宏詞科中選。

宋寶祐五年丁巳（西歷一二五七）十四歲

友人鮮于樞（伯機）生。

宋寶祐六年戊午（西歷一二五八）十五歲

始學詞賦（自序）

元史本傳云：『稍長從里師習詞賦，輒棄不肯爲，』但袁桷戴先生墓志銘言『年十三，卽加冠入鄉校，從里師習詞賦，輒棄不肯學，諸父強之。』學習詞賦之年，當以自序爲準。

先生後述其故云：『異時以科舉取士，余當治詞賦，其法難精，一精詞賦，則力不能及他學，』據文
集卷八張君信詩序可見先生當時之立志矣。

是年王應麟通判台州，友人鄧文原（善之）生。

宋理宗景定元年庚申（西歷一二六〇）十七歲

試郡校連優，補守六經諭（自序）

左氏蒙求序云：『……余性遲，每得有司命題，輒勉強營度，至移晷刻不能辨。』文集卷七

宋景定二年辛酉（西歷一二六一）十八歲

宋景定三年壬戌（西歷一二六二）十九歲

友人仇遠（仁近）生

遊杭

贈談星者謝生序云：『余十八九時遊杭，』

文集卷十四

是殆日後追記之作，送曹士弘序云：『歲壬

戌，余初遊武林，識廬陵歐陽公權先生於祕書之署……以杭學博士弟子，識拜劉先生會孟，會

孟亦居廬陵……余受劉公之愛，於文字間特厚……』

文集卷十四

袁桷戴先生墓志銘云：『於時

新定方尙書逢辰，廬陵劉博士辰翁以論策表厲進士，得先生程文，大奇之，』是則先生遊杭之

年，似以十九歲爲確。又贈相士歐陽生序云：『壬戌歲余始自杭歸鄞，』

文集卷十四

知先生是年確

在杭也。

按劉辰翁字會孟，廬陵人。景定壬戌，廷試入丙第，以親老，請濂溪書院山長。江萬里陳宜中荐

居史館，除太學博士，皆固辭。宋亡，遂不復出。有須溪集十卷，須溪四景詩集四卷，見四庫全書

總目提要卷一六五。生宋紹定五年（西歷一二三二），卒元大德元年（西歷一二九七），年六十六歲。新元史有傳。

又按方逢辰初名夢魁，字君錫，淳安人，登淳祐十年進士第一，理宗改賜今名，官至吏部侍郎，以母憂歸。德祐初，徵拜禮部尚書，會父疾未赴。宋亡，元世祖詔御史中丞崔彥起之於家，以疾堅辭不出。有蛟峰文集八卷，外集四卷，見四庫全書總目提要卷一六五。

作書言時政，激摩公卿大人無所避。（自序）

黃潛窩記云：『剡源先生嘗題其居曰縮軒，從之遊者陳君養直，亦以潛窩扁其宴休之室，……昔者先生方盛壯時，高視闊步，英雋之林，舍者必避席，煬者必避竈，庸人小子，却立而睨之。』
金華黃先生文集卷十五 此處可以徵先生丰度，壯年固甚急進焉。

學詩從事進取。

仇仁近詩序云：『景定咸淳之間，余初客杭……時余雖學詩，方從事進取，每每爲人所厭薄，以爲茲技乃天之所以畀於窮退之人，使其吟謠山林，以洩其無聊，非涉世者之所得兼，余嘗隘而』

非之。』文集卷八

按仇仁近名遠，錢唐人，因居餘杭溪上之仇山，自號曰山村民。在宋咸淳中，卽以詩名，與白珽齊名，號曰仇白。元至元中爲溧陽教授，有金淵集六卷，山村遺集一卷，見四庫全書總目提要。卷一六六。其卒年無從查攷，先生有仇仁近眞贊，見文集卷二十。新元史有傳。

陳晦父詩序云：『……所見名卿大夫十有八九出於場屋科舉，其得之道，非明經則詞賦，固無有以詩進者，間有一二以詩進，謂之雜流，人不齒錄。』文集卷九

張君信詩序云：『……余少時多好，好仙，好俠，好醫藥卜筮，以至方技博奕蹴鞠擊刺戲弄之類，幾無所不好，翰墨几案間事，固不言而知也，然皆不精，惟我攻詩最久。』文集卷八

許長卿詩序云：『……余自垂髫學詩以至皓首，其間涉歷榮枯得喪之變，是不一態；詩之難易精粗深淺，亦不一致，雖不敢自謂已有所就，然不可謂之不勤其事也。方其勤之初，輦呻蹙縮，經營轉折，幾亦自厭其勞苦，及爲之之久，積之之熟，則又幡然資之以爲樂。』文集卷九

千峰酬倡序云：『……寒暄榮悴囂寂禽蟲卉木百物之變，出沒於前；憂愁喜樂窮達貴賤史冊

古今之感，往來於中，一一可與吾接，而不得爲吾累也，何莫非詩之助者……夫爲詩不挾之以資身華世，而倘然以清能靈解自適其不遇，此正古仁人君子隱居求志之事。」文集卷十一

知先生之學詩，與人異趨，卓爾不羣。顧嗣立元詩選稱爲『詩律雅秀，力變宋季餘習』，有是哉！

宋景定四年癸亥（西歷一二六三）二十歲

是歲先生曾至杭，又至姑蘇。

陳府君功父墓志銘云：『……余弱冠客錢塘姑蘇。』文集卷十六

姑蘇爲先生婦家，陸孟孫字士宗序云：『笠澤陸孟孫以其父命請於余曰：陸氏幸甚，得公爲婿，今者孟孫又幸得婿於公……姑蘇之族，莫望於陸……』文集卷十一袁桷戴先生墓志銘云：『……娶陸氏……女四，婿曰陸孟孫……』先生至姑蘇，此爲第一次定婚於陸氏，殆在此時。

宋景定五年甲子（西歷一二六四）二十一歲

是年蒙古入都於燕。

王應麟遷著作郎，兼崇政殿說書。